

შპს „გარდაზნის თბოსადგური 2“

სატენდერო დოკუმენტაცია

პიკაპის ტიპის ავტოსატრანსპორტო

საშუალების სახელმწიფო შესყიდვა

გამარტივებული ელექტრონული ტენდერი

CPV 34131000

ქ.გარდაზანი

2016

სარჩევი

1. შესყიდვის ობიექტი
2. ტენდერის პირობები
3. პრეტენდენტის მიერ სისტემაში ასატვირთი ინფორმაცია
4. სახელმწიფო შესყიდვების შესახებ ხელშეკრულების პროექტი
5. დანართი №1 - სატენდერო წინადადება (ფასების ცხრილი)
6. დანართი №2 - შესყიდვის ობიექტის ტექნიკური მახასიათებლები
7. დანართი №3 - თანმდები საგარანტიო მომსახურება
8. დანართი №4 - რეკვიზიტების ფორმა

1. ინფორმაცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურების განხორციელების საფუძველია საქართველოს კანონი „სახელმწიფო შესყიდვების შესახებ“ (შემდგომში - კანონი) და „გამარტივებული ელექტრონული ტენდერისა და ელექტრონული ტენდერის ჩატარების წესი“ (შემდგომში - „წესი“), დამტკიცებული სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით, იხ. საიტი <http://procurement.gov.ge>

- შესყიდვის პროცედურების განხორციელების საფუძველია საქართველოს დადგენილება N121, 2014 წლის 6 თებერვალი „სახელმწიფო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის ან ჩანაცვლების წესის დამტკიცების შესახებ“ (შემდგომში - შესყიდვის წესი).
- გამარტივებული ელექტრონული ტენდერი ტარდება თანახმად კანონის მე-3 მუხლის პირველი პუნქტის „რ“ ქვეპუნქტისა.
- ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 120 კალენდარული დღით, ტენდერისათვის სტატუსის „წინადადების მიღება დაწყებულია“ მინიჭების ეტაპიდან;
- პრეტენდენტს არა აქვს უფლება წარმოადგინოს ალტერნატიული წინადადება.

1.1. შესყიდვის ობიექტი:

1 ცალი პიკაპის ტიპის ავტომობილი თანმდევი საგარანტიო პირობების ფარგლებში გეგმიური ფასიანი მომსახურებებით (შემდგომში - საქონელი).

2. ტენდერის პირობები

2.1. საკვალიფიკაციო მონაცემების დამადასტურებელი დოკუმენტები - არ გამოიყენება.

2.2. მიწოდების ვადები და პირობები:

- ავტომობილის მიწოდების ვადა: ხელშეკრულების გაფორმებიდან 5 (ხუთი) სამუშაო დღის ვადაში. ავტომობილის მიწოდებას მიმწოდებელი უზრუნველყოფს საკუთარი ხარჯებით;
- ავტომობილის მიწოდების ადგილი: ქ. გარდაბანი, დ. აღმაშენებლის 2ბ.
- თანმდევი საგარანტიო პირობების ფარგლებში გეგმიური ფასიანი მომსახურების მიწოდება უნდა განხორციელდეს მიმწოდებლის მიერ მითითებულ სერვის ცენტრ(ებ)ში;
- თანმდევი საგარანტიო პირობების ფარგლებში გეგმიური ფასიანი მომსახურების პერიოდის, რომელიც მოიცავს არანაკლებ 3 (სამი) წლიან პერიოდს ან ავტომობილის მიერ 100000 კმ გარბენს (რომელიც უფრო მალე დადგება), ათვლა დაიწყება ავტომობილის მიწოდების შემდეგ;
- თანმდევი საგარანტიო პირობების ფარგლებში გეგმიური ფასიანი მომსახურების განხორციელება უნდა მოხდეს სატენდერო დოკუმენტაციაში მოცემული დანართი #3-ით წარმოდგენილი ცხრილის შესაბამისად. მიმწოდებელმა გეგმიური მომსახურების ჩატარება უნდა უზრუნველყოს შემსყიდველის მოთხოვნიდან 2 სამუშაო დღის განმავლობაში.
- შემსყიდველი, გამარტივებული ელექტრონული ტენდერის საფუძველზე, გამარჯვებულ პრეტენდენტთან აფორმებს მხოლოდ ავტომობილის სახელმწიფო შესყიდვის ხელშეკრულებას, ხოლო შესყიდვის წესის მე-6 მუხლის მე-3 პუნქტის „ბ“- „თ“ ქვეპუნქტებით განსაზღვრული ავტომობილის ფლობის ღირებულების კომპონენტების სახელმწიფო შესყიდვის მიზნით, შემსყიდველი გამარტივებულ ელექტრონულ ტენდერში გამარჯვებულ პრეტენდენტთან ან მის მიერ ავტორიზებულ ორგანიზაციასთან (მიმწოდებელთან, რომელიც უზრუნველყოფს მომსახურების გაწევას იმ საგარანტიო პირობების ანალოგიურად, რომელსაც თავდაპირველი მიმწოდებელი სთავაზობს შემსყიდველს) დებს ხელშეკრულებას გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „თ“ ქვეპუნქტის საფუძველზე.
- გამარჯვებული პრეტენდენტის მიერ წარდგენილი განფასება ძალაში იქნება ავტომობილის საგარანტიო პირობის ამოწურვამდე, ფლობის განმავლობაში, თუ ავტომობილის ტექნიკური მომსახურება განხორციელდება გამარჯვებულ პრეტენდენტთან, საგარანტიო პერიოდის განმავლობაში, გამარჯვებული პრეტენდენტის მიერ შეთავაზებული საგარანტიო სერვისით გათვალისწინებული საქონლის ფასი შეიძლება დაკონვერტირდეს ელექტრონული ან გამარტივებული ელექტრონული ტენდერის გამოცხადების დღეს, საქართველოს ეროვნული ბანკის მიერ დადგენილი ოფიციალური გაცვლითი კურსით, აშშ დოლარში, ხოლო ანგარიშსწორებისას, ეროვნულ ვალუტაში, საქონლის ფაქტობრივი მიწოდების დღეს, საქართველოს ეროვნული ბანკის მიერ დადგენილი ოფიციალური გაცვლითი კურსით.

2.3. ანგარიშსწორების პირობები:

2.3.1. ანგარიშსწორება მიმწოდებელთან წარმოებს უნაღდო ანგარიშსწორების ფორმით, ლარში, ეტაპობრივად, ფაქტიურად მიწოდებული ავტომობილის/მომსახურების შესაბამისად, ხელშეკრულებით გათვალისწინებული დოკუმენტაციის წარმოდგენიდან 10 სამუშაო დღის ვადაში;

- თანმდევი საგარანტიო პირობების ფარგლებში გეგმიური ფასიანი მომსახურების ანგარიშსწორება მოხდება შესრულებულ სამუშაოს მიხედვით, ყოველჯერზე გაწეული მომსახურების შემდეგ მიღება-ჩაბარების აქტის გაფორმებისა და შესაბამისი საგადასახადო დოკუმენტაციის წარმოდგენის საფუძველზე 10 სამუშაო დღის განმავლობაში.
- გამარჯვებული პრეტენდენტი შემსყიდველ ორგანიზაციას წარუდგენს კალკულაციას (საქონლის მახასიათებლები და ბრენდი, რაოდენობა, ცვლის პარამეტრი და ერთეულის ფასი) „ფლობის ღირებულების“ კომპონენტების მიხედვით, რომელიც შემდგომში აისახება სახელმწიფო შესყიდვის ხელშეკრულებაში და ძალაში იქნება ავტომობილის საგარანტიო

პირობის ამოწურვამდე ფლობის განმავლობაში;

- საგარანტიო პერიოდის განმავლობაში გამარჯვებული პრეტენდენტის მიერ შემოთავაზებული საგარანტიო სერვისით გათვალისწინებული საქონლის ფასი შეიძლება დაკონვერტირდეს ელექტრონული ვაჭრობის დღისათვის ფიქსირებული ეროვნული ბანკის კურსით უცხოურ ვალუტაში, ხოლო ანგარიშსწორებისას ეროვნულ ვალუტაში - საქონლის/მომსახურების ფაქტიური მიწოდების დღის ეროვნული ბანკის მიერ დადგენილი გაცვლითი კურსით.

2.3.2. წინასწარი გადახდის მექანიზმი: არ გამოიყენება.

2.4. შესყიდვის ობიექტის საგარეულო ღირებულება:

შესყიდვის ობიექტის საგარეულო ღირებულება შეადგენს არაუმეტეს **74320,00** ლარს და მოიცავს:

და მოიცავს ავტომობილის მიწოდებასთან ერთად, ავტომობილის თანმდევი საგარანტიო პირობების ფარგლებში გეგმიური ფასიანი მომსახურების ღირებულებას 100000 კმ. გარბენზე შემდეგ კომპონენტებს:

- ავტომობილის ღირებულება საქართველოს კანონმდებლობით განსაზღვრული ყველა სახის გადასახადის ჩათვლით.
 - თანმდევი საგარანტიო პირობების ფარგლებში გეგმიური ფასიანი მომსახურება - რომელიც წინამდებარე სატენდერო დოკუმენტაციის დანართებში წარმოდგენილია ცხრილის სახით და გაანგარიშებულია 100000 კილომეტრ გარბენზე.
 - ავტომობილის მიერ მოხმარებული საწვავის მაჩვენებელი (100000კმ), რომელიც დაანგარიშებულია მწარმოებლის მიერ წარმოდგენილი ოფიციალური საპასპორტო წვის მაჩვენებლისა (რომელიც უნდა ემთხვეოდეს მწარმოებლის ოფიციალურ ვებ-გვერდზე შესაბამისი სპეციფიკაციის მონაცემებს) და ერთი ლიტრი საწვავის პირობითი ფასის - „1“-ის ნამრავლი 100000 კმ-ზე.1
- ელექტრონული ვაჭრობა განხორციელდება სატენდერო დოკუმენტაციაში ფიქსირებულ ჯამურ საორიენტაციო ღირებულებაზე ფასის კლების პრინციპით. შემსყიდველის მიერ სატენდერო დოკუმენტაციაში წარმოდგენილ ჯამურ საორიენტაციო ღირებულებასა და ვაჭრობის შედეგად დაფიქსირებულ საბოლოო ფასს შორის სხვაობა პროპორციულად უნდა აისახოს ჯამური ღირებულების შემადგენელ თითოეული კომპონენტზე (გარდა საწვავის წვის მაჩვენებლისა, რომელიც უნდა შეესაბამებოდეს მწარმოებლის მიერ ოფიციალურად დადგენილ წვის რაოდენობრივ პარამეტრს).

შენიშვნა:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის საგარეულო ღირებულებაზე, შემსყიდველის მიერ განსაზღვრულ გონივრულ ვადაში (არაუმეტეს 3 სამუშაო დღისა), პრეტენდენტი ვალდებულია უზრუნველყოს ფასწარმოქმნის ადეკვატურობის დასაბუთება (დასაბუთება შესაძლებელია განხორციელდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით, ინვოისით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას).

- იმ შემთხვევაში, თუ პრეტენდენტის მიერ არ იქნა წარმოდგენილი ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდენტის დისკვალიფიკაცია;
- პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

2.5. საკონტაქტო ინფორმაცია

2.5.1. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნა ნებისმიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის მოდულის „კითხვა/პასუხის“ მეშვეობით შესაბამის ტენდერში „ტენდერი გამოცხადებულია“ სტატუსის მინიჭებიდან „წინადადების მიღება დასრულებულია“ სტატუსის მინიჭებამდე არაუგვიანეს 24 საათისა.

2.5.2. ტენდერთან დაკავშირებული განმარტებისა და დამატებითი ინფორმაციის დაზუსტება/განმარტება განხორციელდება გონივრულ ვადაში, მაგრამ არაუგვიანეს 2 საათისა შესაბამის ტენდერში „წინადადების მიღება დასრულებულია“ სტატუსის მინიჭებამდე.

2.5.3. ყველაზე დაბალი ფასის წინადადების მქონე მიმწოდებლის მოთხოვნის შემთხვევაში 2.5.1. პუნქტით გათვალისწინებული შესაბამისი დაზუსტება/განმარტება განხორციელდება გონივრულ ვადაში, შესაბამის ტენდერში „შერჩევა/შეფასების“ სტატუსის მინიჭებიდან „ხელშეკრულება დადებულია“ სტატუსის მინიჭებამდე.

საკონტაქტო პირი: ლევან კვანტალიანი - ტელ +995 (32) 299-12-01 (დამ.332), მობ 577 79 79 84.

2.5.4. შემსყიდველ ორგანიზაციასა და პრეტენდენტს შორის ნებისმიერი მიმოწერა/შეტყობინების გაგზავნა ხდება სისტემის შესაბამისი მოდულის მეშვეობით და სისტემის გამოყენების გარეშე მიმოწერა/შეტყობინება სავალდებულო არ არის. მიმოწერა/შეტყობინება მიღებულად ჩაითვლება მისი სისტემაში ატვირთვის მომენტიდან;

2.6. მოთხოვნები პრეტენდენტის/სუბკონტრაქტორის მიმართ:

2.6.1 პრეტენდენტი უნდა იყოს შემოთავაზებული ავტომობილის მწარმოებლის ოფიციალური დილერი საქართველოში;

2.6.2 იმ შემთხვევაში, თუ პრეტენდენტი არ არის შემოთავაზებული ავტომობილის მწარმოებლის ოფიციალური დილერი საქართველოში, მაშინ პრეტენდენტმა უნდა წარმოადგინოს შემოთავაზებული ავტომობილის მწარმოებლის მიერ გაცემული დოკუმენტ(ებ)ი შემოთავაზებული ავტომობილის მწარმოებლის/ქარხნული გარანტიისა და საგარანტიო პირობების შესახებ, რომლითაც მათ შორის უნდა დასტურდებოდეს პრეტენდენტის მიერ შემოთავაზებულ სერვის-ცენტრში შემოთავაზებული ავტომობილის თანმდევი საგარანტიო მომსახურების გაწევის უფლება. აღნიშნული გარანტია უნდა ვრცელდებოდეს ავტომობილზე მიუხედავად მესაკუთრის ცვლილებისა;

2.6.3 თანმდევი საგარანტიო მომსახურების გაწევის მიზნით, პრეტენდენტს ან მის მიერ ავტორიზებულ ორგანიზაციას უნდა გააჩნდეს მინიმუმ 1 (ერთი) სერვის-ცენტრი ქალაქ თბილისში, რუსთავეს ან გარდაბანში; თუ პრეტენდენტს საკუთრებაში არ გააჩნია სერვის-ცენტრი, პრეტენდენტი ვალდებულია შემოთავაზებული ავტორიზებული სერვის-ცენტრიდან წარმოადგინოს წერილობითი

თანხმობა თანმდევი საგარანტიო პირობების ფარგლებში მომსახურების განხორციელების თაობაზე (2.6.2 პუნქტის მოთხოვნათა გათვალისწინებით, ასეთის არსებობის შემთხვევაში)

2.6.4 პრეტენდენტს უნდა გააჩნდეს ანალოგიური საქმიანობის განხორციელების არანაკლებ 5 წლიანი (2012-2016 წწ) გამოცდილება, რის დასადასტურებლადაც პრეტენდენტი ვალდებულია წარმოადგინოს თითოეულ წელს მინიმუმ ერთი ავტომობილის მიწოდების/რეალიზაციის დამადასტურებელი დოკუმენტი.

3. პრეტენდენტის მიერ გამართივებულ ელექტრონულ ტენდერში ასატვირთი ინფორმაცია

- სატენდერო წინადადება (ფასების ცხრილი) - დანართი №1-ის მიხედვით;
- ტექნიკური პირობები - დანართი №2-ის მიხედვით;
- დანართი №3 - თანმდევი საგარანტიო მომსახურება;
- რეკვიზიტები - დანართი №4-ის მიხედვით;
- შემოთავაზებული საქონლის ტექნიკური და ხარისხობრივი მონაცემების სრული აღწერილობა სასაქონლო მარკის, მწარმოებელი ქვეყნის და საგარანტიო ვადის მითითებით, მწარმოებლის მიერ გაცემული საპასპორტო მონაცემები (წვის მონაცემები და ტექნიკური მახასიათებლები).
- საქართველოში ოფიციალური დილერობის დამადასტურებელი დოკუმენტი, გაცემული შემოთავაზებული ავტომობილის მწარმოებლის მიერ ან აღნიშნულის შესახებ უნდა იყოს მითითება შემოთავაზებული ავტომობილის მწარმოებლის ოფიციალურ ვებ-გვერდზე (პუნქტი 2.6.1);
- შემოთავაზებული ავტომობილის მწარმოებლის მიერ გაცემული დოკუმენტ(ებ)ი ავტომობილის მწარმოებლის/ქარხნული გარანტიისა და საგარანტიო პირობების შესახებ (ასეთის საჭიროების შემთხვევაში; პუნქტი 2.6.2);
- ინფორმაცია პრეტენდენტის ან მის მიერ ავტორიზებული ორგანიზაციის სარგებლობაში ქ.თბილისში, რუსთავეში ან გარდაბანში არსებული შესაბამისი სერვის ცენტრის შესახებ, სადაც საგარანტიო პერიოდის განმავლობაში მოხდება ავტომანქანების თანმდევი გეგმიური ფასიანი მომსახურება (აღნიშნულ ინფორმაციასთან ერთად ატვირთულ უნდა იქნას შესაბამისი დამადასტურებელი დოკუმენტაცია).
- სატენდერო პროცედურების განხორციელების ეტაპზე თუ თანმდევი გეგმიური ფასიანი მომსახურების განხორციელებაში ჩართულია სუბკონტრაქტორი (პრეტენდენტის მიერ ავტორიზებულ ორგანიზაცია), უნდა იყოს ატვირთული პრეტენდენტსა და სუბკონტრაქტორს შორის გაფორმებული ხელშეკრულება ან დასტურები, რომ ის უზრუნველყოფს მომსახურების გაწევას იმ საგარანტიო პირობების ანალოგიურად, რომელსაც თავდაპირველი მიმწოდებელი სთავაზობს შემსყიდველს
- ინფორმაცია პრეტენდენტის/სუბკონტრაქტორის საქმიანობის არანაკლებ 5 წლიანი გამოცდილების შესახებ;
- საგარანტიო მომსახურების პირობები

შენიშვნა: პრეტენდენტის მიერ ატვირთული ყველა დოკუმენტი დამოწმებული უნდა იქნეს დირექტორის ხელმოწერით ან მის მიერ უფლებამოსილი პირის ხელმოწერით (უფლებამოსილების დამადასტურებელი დოკუმენტის ატვირთვით).

4. სახელმწიფო შესყიდვების შესახებ ხელშეკრულების პროექტი

ქ. გარდაბანი, -----, 2016 წ.

ერთი მხრივ, შპს “გარდაბნის თბოსადგური” (შემდგომში – “შემსყიდველი”), წარმოდგენილი გენერალური დირექტორის მერაბ კიპარიძის სახით,

და მეორეს მხრივ, ----- (შემდგომში “მიმწოდებელი”) წარმოდგენილი ----- სახით,

იმ გარემოებიდან გამომდინარე, რომ 2016 წლის ----- შემსყიდველის მიერ სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის “რ” ქვეპუნქტის შესაბამისად გამოცხადებულ გამარტივებულ ელექტრონულ ტენდერში SPA ----- (შემდგომში - ტენდერი) გამარჯვებულად გამოცხადდა ----- ფასით ----- ლარი დღეს გადამხდელს, ვთანხმდებით შემდეგზე:

1. ხელშეკრულების საგანი

1.1. ხელშეკრულების საგანია 1 (ერთი) ერთეული პიკაპის ტიპის ავტოსატრანსპორტო საშუალების სახელმწიფო შესყიდვა შესაბამისი თანმდევი საგარანტიო პირობების ფარგლებში გეგმიური ფასიანი მომსახურებით.

1.2. ავტომობილების/მომსახურების დასახელება, მახასიათებლები, რაოდენობა და ფასი ერთეულის მიხედვით მოცემულია წინამდებარე ხელშეკრულების დანართი №1-ში და №2-ში რომელიც თან ერთვის ხელშეკრულებას და წარმოადგენს მის განუყოფელ ნაწილს.

1.3. დანართი 1-5 მიიღება მიმწოდებლის მიერ ტენდერში SPA16000 ----- წარმოდგენილი დანართები, კერძოდ:

N1 - ფასების ცხრილი;

N2 - ტექნიკური პირობები;

N3 - რეკვიზიტები;

N4 - საგარანტიო მომსახურების პირობები;

N5 - ინფორმაცია სერვის ცენტრის შესახებ;

2. მხარეთა უფლება-მოვალეობები

2.1. შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი ვალდებულებების დროულად და სრულად შესრულება.

2.2. შემსყიდველი ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;

2.3. მიმწოდებელი უფლებამოსილია, მოსთხოვოს შემსყიდველს ხელშეკრულებით ნაკისრი ვალდებულებების დროულად და სრულად შესრულება.

2.4. მიმწოდებელი ვალდებულია, მიაწოდოს შემსყიდველს ნივთობრივად და უფლებრივად უნაკლო ავტომობილი/მომსახურება და მასთან დაკავშირებული აუცილებელი დოკუმენტაცია;

3. მიწოდების პირობები

3.1. “მიმწოდებელი” ვალდებულია საქონლის მიწოდება განხორციელოს ხელშეკრულების გაფორმებიდან არა უმეტეს 5 სამუშაო დღის ვადაში, შემდეგ მისამართზე: ქ. გარდაბანი, დ. აღმაშენებლის 2 ბ.

3.2. საქონლის მიღების შემდეგ მხარეებს შორის ფორმდება მიღება-ჩაბარების აქტი, რომლის საფუძველზეც მიმწოდებელი შემსყიდველს წარუდგენს სასაქონლო ზედნადებს და საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში.

3.3. თანმდევი გეგმიური ფასიანი მომსახურება განხორციელდება საქონლის მიწოდებიდან არანაკლებ საგარანტიო პერიოდის განმავლობაში მისამართზე: ქ. თბილისი (რუსთავი ან გარდაბანი) ----- სერვის-ცენტრი, მოთხოვნიდან/მიმართვიდან 2 სამუშაო დღის განმავლობაში;

4. ხარისხი

4.1. „მიმწოდებელი“ იღებს ვალდებულებას, რომ საქონლის/მომსახურების ხარისხი შეესაბამება SPA1600 ----- ტენდერით და ხელშეკრულებით შეთანხმებულ ხარისხს, ტექნიკურ მაჩვენებლებს და დადგენილ სტანდარტებს.

4.2. შემსყიდველი უფლებამოსილია უარი განაცხადოს უხარისხო ან ინსპექტირების ჯგუფის მიერ დაწუნებული ავტომობილის/მომსახურების მიღებაზე.

5. ხელშეკრულების ფასი და ანგარიშსწორება

5.1. ხელშეკრულების მთლიანი ღირებულება შეადგენს ----- ლარს და მოიცავს 1 (ერთი) ერთეული პიკაპის ტიპის ავტომობილის მიმწოდებლის ყველა ხარჯს დაკავშირებულს ავტომობილის შემსყიდველისათვის მიწოდებასთან, მათ შორის საქართველოს კანონმდებლობით განსაზღვრულ ყველა სახის გადასახადს, მოსაკრებელს, განბაჟებას, სახელმწიფო რეგისტრაციის (შემსყიდველზე გადაფორმების) ხარჯების ჩათვლით;

5.1.1. თანმდევი საგარანტიო პირობების ფარგლებში გეგმიური ფასიანი მომსახურება - ლარი, განხორციელდება ცალკე ხელშეკრულებით გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „თ“ ქვეპუნქტის საფუძველზე.

5.2. ანგარიშსწორების განსახორციელებლად მიმწოდებელმა უნდა წარადგინოს შემდეგი დოკუმენტ(ებ)ი:

- ავტომობილის მიწოდებისას:
 - მიღება-ჩაბარების აქტი (ორმხრივად ხელმოწერილი);
 - სასაქონლო ზედნადები.

5.3. ანგარიშსწორება მიმწოდებელთან წარმოებს ლარში, უნაღდო ანგარიშსწორების ფორმით, ლარში, ეტაპობრივად, ფაქტურად მიწოდებული ავტომობილის შესაბამისად, 5.2 პუნქტით გათვალისწინებული დოკუმენტ(ებ)ის სრულად წარმდგენიდან არაუგვიანეს 10 სამუშაო დღის ვადაში.

5.4. საგარანტიო პირობების ფარგლებში თანმდევი გეგმიური ფასიანი მომსახურება განისაზღვრება საგარანტიო პერიოდის ამოწურვამდე საქონლის/მომსახურების მიწოდების დღიდან. აღნიშნული მომსახურების ფასი შესაძლებელია დადგინდეს SPA16000_____ ტენდერში ჩატარებული ელექტრონული ვაჭრობის დღისათვის დაფიქსირებული ეროვნული ვალუტის ოფიციალური გაცვლითი კურსით აშშ დოლართან, ხოლო ანგარიშსწორება განხორციელდება ეროვნულ ვალუტაში საქონლის/მომსახურების ფაქტური მიწოდების დღის ეროვნული ბანკის მიერ დადგენილი გაცვლითი კურსით.

6. გარანტია, პასუხისმგებლობა და ხელშეკრულების პირობების შესრულებლობა

6.1. მიმწოდებელი იძლევა არანაკლებ SPA16000_____ ტენდერში განსაზღვრულ გარანტიას, რომ მის მიერ მიწოდებულ ავტომობილს/მომსახურებას არ გააჩნია ნაკლი.

6.1.1. ნაკლის არსებობის შემთხვევაში, მიმწოდებელი თავისი ხარჯითა და პასუხისმგებლობით უზრუნველყოფს მის აღმოფხვრას შემსყიდველის მიერ ნაკლის გამოვლენის თაობაზე მისთვის (მიმწოდებლისათვის) გაგზავნილი წერილობითი შეტყობინების მიღებიდან შემსყიდველის მიერ მითითებულ გონიერულ ვადაში (მაგრამ არაუმეტეს 15 (თხუთმეტი) კალენდარული დღისა). ნაკლის აღმოფხვრა უნდა მოხდეს შემსყიდველის მოთხოვნის შესაბამისად შეკეთებით ან ახლით შეცვლით.

6.1.2. იმ შემთხვევაში, თუ მიმწოდებელი ვერ უზრუნველყოფს ნაკლის აღმოფხვრას, შემსყიდველს უფლება აქვს დააკისროს მიმწოდებელს ნაკლიანი ავტომობილის/მომსახურების ღირებულების ოდენობის პირგასამტეხლოს გადახდა, რაც მიმწოდებელმა შემსყიდველის მიერ მისთვის (მიმწოდებლისათვის) პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს ორი კალენდარული დღისა უნდა გადაიხადოს.

6.2. მხარეების მიერ ხელშეკრულების პირობების შესრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

6.3. ნაკლიანი ავტომობილის/მომსახურების მიწოდების შედეგად შემსყიდველისთვის, ან მესამე მხარისათვის მიყენებული ნებისმიერი ზიანის ანაზღაურება ეკისრება მიმწოდებელს.

6.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შესრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.5. ავტომობილის/მომსახურების მიწოდების დაყოვნების შემთხვევაში მიმწოდებელი ვალდებულია გადაუხადოს შემსყიდველს პირგასამტეხლო ყოველ ვადაგადაცილებულ კალენდარულ დღეზე ხელშეკრულების საერთო ღირებულების 0,1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

6.6. შემსყიდველის მიერ ანგარიშსწორების ვადის გადაცილების შემთხვევაში მიმწოდებელს უფლება აქვს დააკისროს შემსყიდველს პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0,1%-ის ოდენობით.

6.7. მიმწოდებლის მიერ პირგასამტეხლოს გადახდა, სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

7. ხელშეკრულების შესრულების უზრუნველყოფის საბანკო გარანტია: არ გამოიყენება

8. მხარეთა პასუხისმგებლობისგან გათავისუფლება

8.1. მხარეები არ აგებენ პასუხს ვალდებულებათა სრული ან ნაწილობრივი შესრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

8.2. მხარემ, რომელსაც შეეძენა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შესრულებლობით გამოწვეული პასუხისმგებლობისაგან.

8.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

8.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

9. ხელშეკრულების ინსპექტირების პირობები

9.1. შემსყიდველს ან მის მიერ უფლებამოსილ პირს უფლება აქვს განხორციელონ ავტომობილის/მომსახურების კონტროლი და/ან გამოცადონ ავტომობილი და/ან შეამოწმონ, სრულად არის თუ არა გაწეული მომსახურება.

9.2. მიმწოდებლის მიერ ხელშეკრულებისა და მისი დანართების შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი.

9.3. ინსპექტირების ჯგუფის ფუნქციებია:

9.3.1. ავტომობილის/მომსახურების მოცულობის, ხარისისხისა და ვადების წინამდებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

9.3.2. შეამოწმოს ავტომობილი/მომსახურება მის მიღებამდე და უხარისხობის შემთხვევაში უარი თქვას მის მიღებაზე.

9.3.3. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

8.4. ყოველი გამოვლენილი ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

10. ხელშეკრულებაში ცვლილებების შეტანა

- 10.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 10.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა სამოქალაქო კოდექსის 398-ე მუხლით დადგენილი შემთხვევებისა.
- 10.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 10.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.
- 10.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

11. ხელშეკრულების ძალაში შესვლა და მოქმედების ვადა

- 11.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2017 წლის ჩათვლით.
- 11.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

12. ხელშეკრულების შეწყვეტა

- 12.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 12.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:
- ა) რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა;
 - ბ) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;
 - გ) სსკ 398-ე მუხლით გათვალისწინებულ შემთხვევაში.
- 12.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

13. დავების გადაწყვეტა, მარეგულირებელი სამართალი

- 13.1. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.
- 13.2. შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.
- 13.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. დასკვნითი დებულებები

- 14.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.
- 14.2. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.
- 14.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.
- 14.4. ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

15. მხარეთა რეკვიზიტები და ხელმოწერები

5. დანართი №1- სატენდერო წინადადება (ფასების ცხრილი)

N	CPV	შესყიდვის ობიექტის დასახელება	ავტომობილის მოდელი და ტექნიკური პარამეტრები	მწარმოებელი და წარმოშობის ქვეყანა	განზომილება	რაოდენობა	ერთეული ავტომობილის ღირებულება (ლარი)	ერთეული ავტომობილის თანმდევი ფასიანი საგარანტიო მომსახურება 100000კმ-ზე (ლარი)	ერთეული ავტომობილის საწვავის ხარჯის ღირებულება 100000კმ-ზე (ლარი)	ერთეულის ჯამური ღირებულება (ლარი)	საერთო ჯამური ღირებულება (ლარი)
1	2	3	4	5	6	7	8	9	10	11	12
1	34131000	პიკაპის ტიპის ავტოსატრანსპორტო საშუალება შესაბამისი თანმდევი საგარანტიო პირობების ფარგლებში გეგმიური ფასიანი მომსახურებით			ცალი	1					

სატენდერო წინადადების ფასი: ----- ლარი

შენიშვნა:

- პრეტენდენტმა უნდა შეავსოს ფასების ცხრილის მე-4, მე-5, მე-8, მე-9, მე-10, მე-11 და მე-12 გრაფები.

ხელმოწერა, ბეჭედი ----- თარიღი -----

6. დანართი №2 - შესყიდვის ობიექტის ტექნიკური მახასიათებლები

სავალდებულო მახასიათებლები	შემსყიდველის მიერ დადგენილი პარამეტრები CPV 34131000, პიკაპის ტიპის ავტომანქანა (“შესყიდვის წესის“ ცხრილი N8)	პრეტენდენტის მიერ შემოთავაზებული ავტომობილის პარამეტრები (ავსებს პრეტენდენტი)
1	2	3
ძრავის მოცულობა არანაკლებ	2.2	
ცხენის ძალა არანაკლებ	102	
გადაცემათა კოლოფი	მექანიკური, არანაკლებ 5საფეხურიანი	
სიგრძე არანაკლებ	5000	
სიგანე არანაკლებ	1755	
სიმაღლე არანაკლებ	1760	
წვა 100 კმ/ზე არაუმეტეს	10.3 ლიტრი	
საგარანტიო პირობები	3 წელი ძირითად აგრეგატებზე (ძრავი, ხიდი, გადაცემათა კოლოფი) ან 100 000 კმ რომელიც ადრე შესრულდება	
ელექტროშუშები	მინიმუმ წინა ორი	
აუცილებელი მოთხოვნა	სათადარიგო საბურავი	
აუცილებელი მოთხოვნა	მინიმუმ 2 უსაფრთხოების ბალიში	
აუცილებელი მოთხოვნა	კონდიციონერი	
აუცილებელი მოთხოვნა	აუდიო სისტემა	
აუცილებელი მოთხოვნა	საჭის გამაძლიერებელი	
აუცილებელი მოთხოვნა	ABS	
აუცილებელი მოთხოვნა	4X4 მექანიკური ჩართვის და გამორთვის ფუნქციით	
აუცილებელი მოთხოვნა	საჭის სიმაღლის მარეგულირებელი	
აუცილებელი მოთხოვნა	სარკეების ელ. რეგულირება	

მიმწოდებელ სუბიექტებს შეუძლიათ შეთავაზებისას გააუმჯობესონ მინიმალური ტექნიკური მოთხოვნები, მაგრამ აღნიშნული ქმედება არ წარმოადგენს მონაწილის უპირატესობას და ყველაზე დაბალი ფასის და შესყიდვის დოკუმენტაციასთან შესაბამისობაში მყოფი პრეტენდენტი ცხადდება გამარჯვებულად შესაბამისი პროცედურის დაცვით.

პრეტენდენტი უნდა აკმაყოფილებდეს შემდეგ მოთხოვნებს:

- მისაწოდებელი საქონელი უნდა იყოს ახალი, ექსპლუატაციაში არმყოფი 2016 წლის გამოშვების და აკმაყოფილებდეს ტექნიკური პირობებით განსაზღვრულ მოთხოვნებს;
- პრეტენდენტ ორგანიზაციას/სუბკონტრაქტორს უნდა გააჩნდეს სარეგისტრაციო ქ.თბილისში, რუსთავეში ან გარდაბნაში არანაკლებ 1 (ერთი) სერვის ცენტრი, ავტომობილების შემდგომი საგარანტიო/სერვისული მომსახურების უზრუნველსაყოფად;

ხელმოწერა, ბეჭედი ----- თარიღი -----

7. დანართი №3 - თანმდევი საგარანტიო მომსახურება

დასახელება	საქონლის ერთეულის ფასი (ლარი)	მომსახურების ერთეულის ფასი (ლარი)	გარბენი (კმ)											ჯამი (ლარი)
			...	...	...	...	...	...	...	...	...	...	...	
ძრავის ზეთი														
ძრავის ზეთის ფილტრები														
წინა ხუნდი														
უკანა ხუნდი														
ჰაერის ფილტრი														
კონდინციონერის ფილტრი														
ანთების სანთლები														
ძრავის ღვედი														
სულ (ლარი)														

ავტომობილის თანმდევი საგარანტიო მომსახურების ფასების ცხრილში გარბენილი კილომეტრების რაოდენობა უნდა მიეთითოს პრეტენდენტის მიერ, ამასთან ცხრილში დასაშვებია გარბენილი კილომეტრების სვეტების დამატება.

100 ათას კილომეტრზე ფლობის ღირებულების ფარგლებში, მიმწოდებელი ვალდებულია შემსყიდველს მიაწოდოს წინა და უკანა ხუნდები საჭიროების შემთხვევაში, სულ მცირე ხუთჯერ, ხოლო წინა და უკანა ხუნდების ყოველი შემდგომი შესყიდვა გადასახდელი იქნება შემსყიდველის მიერ არა დადგენილი ფლობის ღირებულების ფარგლებიდან, არამედ ავტოტექნომსახურების დამატებით გაფორმებული ხელშეკრულების მიხედვით.

ხელმოწერა, ბეჭედი ----- თარიღი -----

8. დანართი №4 (რეკვიზიტების ფორმა)

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის თამამდებობა, სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი: